

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 24 16th June 2013

YMA Din Champha Vawi 78-na Hlim Taka Hman A Ni

Chanmari West, 16th June, 2013 : Chanmari West Branch YMA Executive meeting-in a lo rel tawh angin kum 2013 YMA Day chu Ni 14.6.2013 (Zirtawp) zan dar 8:30-ah hman a ni.

YMA din champha vawi 78-na lawmna hun hi Pu RL Thanhnuna, Branch Asst. Secretary chuan kaihruaiin, Branch YMA Zaipawlin "Lei mite hunbi an chhiar e" tiin he hun hi an hawng a, NI K Vanlalchhuangi, Branch Executive member chuan Pathian thu chhiar a ṭawngtaiin he hun hi Pathian hnenah a hlan.

Section hrang hrangte'n Lengkhawm Zai intihsiaikna hlimawm tak an nei a. Tv Nghaktea a lo langzui ve leh, a ze ngaite bawkin kalkhawm mipuite a tihlimin beng a titlai khawp mai.

Pu C Lalzarliana, Branch YMA President chuan Ram leh Hnam Humhalh Thupui hmangin tawi fel leh funkim tak siin kalkhawmte fuihna hun a hmang a, Chanmari West khawtlangin kawng hrang hranga hmasawnna tur a neih te sawi chhuakin; ṭalaite rilru a

kaiharh ngei ang.

Kum 2013- HSLC result chhuak a Distinction-a pass-mi paruk hnenah chawimawina thuзиak hlan a ni.

NI Melody (Thuampui) chuan zei tak maiin mipui a awi ve leh a, zai thiam inthup, Tv Hruaia (K-sect) chuan "Lo kir leh mai rawh" tiin ṭhalai, ruihhlo bawiba tang mai turte min koh letsak bawk a, ngaihnawmin ava hlu tak em! Tv Peka (Sihphir) chuan nui lo thei lovin kalkhawm mipuite a siam ve leh, hlim zan tih loh phal rual a ni lo.

Branch YMA Zaipawl leh Tv Nghaktea te, NI Melody te'n mipui an awi leh bawk. Lawmman sem niin Chairman-in lawmthu sawiin hun hnung a hmang a, kham lo takin zan dar 11:00-ah YMA Day vawi 78-na lawmna inkhawm chu ṭin a ni.

Thisen Unit 192 pek a ni

June ni 8 (Inrinni) khan Chanmari West Branch YMA-in Action Plan-a a lo dah tawh angin YMA Day denchhenin Aizawl Civil Hospital tan thisen Unit 192 (mipa 159 leh hmeichhia 33) an pe. Chanmari West Middle School-ah Aizawl Civil Hospital-a thawktute lo kalin thisen hi an rawn la a. Thisen petu mi 192 leh pek tuma lo kal, fit tawk loh vanga pe thei ve ta late chungah Branch YMA chuan lawmthu a sawi.

Thisen pe tura kalkhawmte Bawng Soup buatsaihsaktu leh Paratha tui tak leh thingpui siam saktu Chanmari West Branch MHIP-te chungah Branch YMA-in lawmthu a sawi.

Thisen pete tana ei leh in tur heng mite hnen aṭang hian dawn a ni. Branch YMA chuan thilpek petute chungah lawmthu an sawi.

Pu Lalthanzara, Bialtu MLA - Rasagula leh Frooty
Pi Zamanthangi, Counsellor, Ward No. VI - Rasagula
Pi Lalronghaki, (K) - Ballpen (Thisen petu zawng zawng)
Pi Lalkhawthangi (Ch) - Chini 5 Kg
Pi Seni (Phunchawng) - Bawngsa 2 Kg
Pu M Sawmliana (T) - ₹ 2000/-

Branch News

Ni 8.6.2013 (Inrinni) khan Branch Action-a lo dah tawh angin YMA Day denchhenin Aizawl Civil Hospital tan thisen pek runpui neih a ni a, mipa 159 leh hmeichhia 33 ten unit 192 pek a ni. Thisen petute leh thisen pekna hmun Middle School hman tirtu Middle School Headmaster leh Staff chungah Branch YMA-in lawmthu a sawi.

YMA Day khan Thingsul Branch YMA ten an khawchhuak Gazetted Officer zawng zawngte an chawimawi a, Branch President Pu C Lalzarliana pawh chawimawina dawng hian a han kal a ni.

Branch Executive Member NI Lalramengi, chhiat tawhna avanga Kawnpuia zin pawh damtakin a lo haw leh ta.

Branch Adviser leh Local Council Chairman ni bawk Pu F.Zosanga Mizoram PIGFED Chairman-a thlan a ni chu Branch YMA-in a lawmpui hle.

Ni 12.6.2013-a Electoral Roll hearing Aizawl DC Conference Hall-a neihah YMA aiawhin Branch Secretary a tel.

Intihsiaik Result

Ni 14.6.2013 zana YMA Day lawmnaa intihsiaikna hrang hrang result chu hetiang hi a ni.

- Member kal tam ber - Khuangchera section
- Lengkhawm Zai-
1st - Vanapa & Neuva section
2nd - Taitesena section
3rd - Khuangchera section
4th - Chawngbawla section



TUN KAR CHANGVAWN

Aw Lalpa, ka lungpui leh mi tlantu, |
ka kaa thuchhuakte leh ka thinlunga |
ngaihtuahnate hi i mithmuah |
lawmtlak takin awm rawh se.

Sam 19:14

Editorial Board

Editor:	R Lalrinngheta	9862358337
Joint Editor :	Lalchhandama	9862358347
	J Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K Lalremtluanga	9862119608
Cir. Manager :	Jacob Lalrinsanga	9612319779
Production Manager :	RL Thanhnuna	9436152760

Branch Office Bearer

President	C Lalzarliana	9436142049
Vice President	K Darthantluanga	9436196071
Secretary	Zairemmawia	9862385654
Asst. Secretary	RL Thanhnuna	9436152760
Treasurer	R. Lalhmachhuana	9436151817
Fin.Secretary	Lalrinliana	9862581814
Adviser-te :	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Editorial :

Khaw dang pawh a hawi tak tak theih loh, YMA day leh YMA tih ringawt mai rilruah a lut rih a ni e.

YMA nihphung leh a tum pawh hrechiang lo pawn YMA chu kan zahin kan ngaisang tlang vek mai. He pawl ropua member pakhat nih ve ringawt pawh hi inchhuanna tham a tling awm e. He pawl tiropuitu leh timawitu hi eng ber hi nge ni ta ang le?

Pawl hravitate vang hi a ni thei mai ang em? Tling lo leh tlin lo inti chung chunga theih tawp chhuah chung sia he pawl enkawltute leh kaihravitate hi fak phu tak chu an ni. Mahse pawl innghahna chu a hravitate chu a ni vek thei kher lo vang.

He Pawl ropui tak mai hi Kristian Sakhuua innghat tlat a nihna hi a ropui a, a nghehna tak leh a zahawmna pawh a ni awm e. Pathian duhdana kaihravai leh hma la thin he pawl hi a rintlak a, a tlo a, a zikluak zel rih chu a nih hi.

YMA din champha a lo thlen hian member-te hian he pawl thiltumte ngaihtuah chungin rilru thar pu theuh ila, Ram leh Hnam tana kan inpeknate lo sang zual zel se, kan thlen chin atang theuh va hmasawn thei turin ke pen i tum tlang teh ang u.

Chanmari West khawtlang mipuite YMA AW Editorial Board chuan YMA Day CHIBAI a buk vek a che u.

Article:**Ram kalsiam tluang a zau e...**

- Lalnunthara Sailo

Ka nu khan ni khat a pum chhungah khan min han pai leh hram sela chuan YMA DAY leh ka piancham a inrual mai tur. YMA DAY a lo thlen hian eng emaw ti takin rilruah hian a hawk a, lung lam lamte pawh a leng deuh roh thei nia. Chanmarians semtu atanga tanin YMA Chhang Committee member kan han ni ve a, a kum leh maia Leader kan han ni chho a, YMA member kan ni chho a, lumen, zualko, mitthi dar vuak, thlan laih, khawhar in riah, hnatiang leh thil tul chi hrang hrangah kan han YMA chho ve zel a, hetianga chanchinbu semtu atanga tana YMA chhoh ve ngar ngar tan chuan YMA DAY hian thinlung a luah lo thei lo va, rilruin ka lenrual lungduh te u,... tih hla kha sak loh theih loh a ni.

Khawi nge chang khat chauh tal in um zui teh ang aw.

"Ami'n sel lo u, hmingtha lo hlan ve u,
chanai tha

Hleite'n a dang lo a thang ri, khua tin
mawitu a lo ni;

Chanhai riangvaite puitu, thlafam
lusunte hnemtu

Kristian eng chu an lo chhi, duhaisam
chu hei ngei hi.

A tlar khatna chauh pawh hi sawi zau tham a tling. Hmanni lawk-ah Saikhumphai leh Vaphai buaina chungchangah YMA chuan thuchhuah a nei a, MZP lamin YMA reor kah zawngin hma a la thung a. Mi tam takin YMA an sawisel a, YMA member leh YMA hravitate hial pawhin an sawisel a. India khua leh tui kan ni a, kan duh duh sawi turin zalenna kan nei a ni.

Amaherawhchu, member kan nih vena pawlin hmalak dan tur an duan kan sawisel dawn a nih chuan an reor thuchhuak hi a chepakai atanga kan ngaihtuah hmasak phawt thin a pawimawh hle. Mizoram hmun hrang hrangah vanduaina rapthlak tak tak a thleng fo va, vanduaina tawk tanpui kawngah YMA-in engtin nge hma a lak thin tih chu YMA member leh hravitu chuan hrilh nawn leh kher ngai lovin hre sa tura ngaih kan ni.

YMA-in tanpui nghal loh tha a tih chuan chhan lian tak a awm tihna a ni mai a, a reor khawlah branch hrang hrang aiawh YMA-a baptism chan hial duh an ther fup a, chung kan aiawhte thurel member-in lo sawisel vak vak mai kha a finthlak loh hle a ni.

MZP hian vanduaina tawkte tanpui kawngah eng tiangin nge kum 78 chhung

khan hma a lo lak ve tawh le ? Tuna taka YMA kah zawnga an hmanhlel hi engne a chhan ni ang ? Heng zawnhate hi kan chhang dik thlap thlap theia YMA aia MZP-in tanpui ngai tanpui kawnga hma a lo la tha zawk thin a nih chuan YMA chu sawisel ila MZP chu fak ila a ni mai. YMA kumpuan leh YMA hmalaknate hi a inkawp lo thei lo tih hraitthiamte pawh hi a ngai ve bawk ang. E, tlar khatna chauh pawh sawi tur a va tam em!

Tlarhnhna kanin tlar thumna hi um zui leh teh ang. Tlar hninhna leh tlar thumna sawi zau tur hi chuan kei lo deuh hi ni se an tha ang. Hetianga thuril leh tha lutuk sawi tur hi chuan Branch OB tal lo ni tawh ni thei se duhthusam a ni. He hla tlar hninh hi eng tiangin nge sawi zau se kan tih hlawm le ? Han chhiar vang vang hian a fiah nghal viau mai a, uluk taka han chhiar nawn phei chuan lusun tap thawmte pawh hre thanin kan inhre lo maw ?

Nge, 'chhantlak ka la awm e' tia rum ri hre viai viaia inhrain chu thawm lo rikna lamah chuan 'thlaphang reng reng suh, kha kan lo kal e' ti chunga hlauhawm pawh ngaihtuah hman lo va chet chhuah i tum zawk ? Nge ni a, inkang thelh tur, leiminin mi in a hnawlna lama phek chhuak tur, chanhai tanpui ngai ngawih ngawih tanpui tura kal chhuah i tum rilru zawk ? Chumai ni lova Mizoram leh hnam chhan a ngaihna kawng chi hrang hrangah chhan turin pen chhuah i tum zawk ? Chutiang ti thin YMA-ah chuan i tel a, han ngaihtuah chiang teh. Tanpui ngai tan chuan i va hlu em ! tiin sawi se i ti rilru em ?

Tlar lina hian Bible nena sawikawp a phut deuh tlatin i hre ve em ? Nge, Bible sawi tel hmain kan pi leh pute lung bul hlaua an inthawi lai atanga Krista tana Pasaltha kumpinu khua leh tui Zosaptharate sawi hmasak zet i duh zawk ? A ni tak a sin, kan misionnary sapte khan kan pi leh pute khawsak dan kha chik taka an enin mak an tiin changkang tihna lai an nei a, 'Mizo te hi hnam changkang tak ni thin an nih loh pawhin hnam changkang tak nen rei tak khawsa ho tawhin eng emaw vangin heti hian bul an tan tha leh a ni ang a, hetianga inrelbawlna tha tak an nei hi a mak a ni' an ti ve thlawt a sin.

Chu Mizo inrelbawlna tha tak mai 'Tlawmngaihna leh Kristianna chu YMA hian tham kawpin Mizo tan kum 78 chhung zet mai hma a la chho ta a, Mizote tan chuan 'duhaisam chu hei ngei hi' a tih loh theih loh.

Phek 3-na

Chawngbawla Section

□ YMA Day zingkar khan FAINA hnatlang YMA chahngte nen neih a ni.

□ Section bungraw in siam hnatlang inrinni nileng khan an nei.

□ An Section hruaitute mahni biala chhiatni FUND leh YMA AW la khawn zolote inthlahdah lova khawn chhunzawm zel turin an inhriattir.

Khuangchera Section

□ Ni 8.6.2013 - a Branch YMA hminga Thisen petute chungah lawmthu an sawi. Thisen pe tam ber section an ni thei chu an lawm hle bawk. Tin, hah taka Bawng soup siamtute chungah lawmthu an sawi.

□ Pu H Lalhrauaia te chhungin leivung paiha inhlawhna an siamsak chu an lawm hle.

□ YMA DAY lawmna leh faina hnatlanga thawk chhuakte chungah lawmthu an sawi. Tin, YMA Day lawmnaa member kal tam ber an ni thei chu an lawm hle bawk.

□ YMA Chhang member-te activity hrang hranga tel tam zel turin an sawm.

□ In luah tur neite'n YMA pem lekhka fel tak neite chauh in luahthin turin an inhriattir nawn leh.

□ Chhingtinte mahni in leh a vel vawngfai turin an chah nawn leh a, ui leh ar vulhtute mahni ran vulh khuahkhirh turin an inhriattir.

Neuva Section

□ Hun remchang hmasa berah Committee koh tum a ni.

□ Committee-in section mipuite YMA DAY chibai a buk a, mahni phak tawk ang zela YMA activities hrang hranga hma la chhunzawm zel turin an inngen nghal bawk.

□ Ni 15.6.2013 (Inrinni) zing kar Faina Hnatlang YMA Chhangte nen neih a ni a. Member an thawkchhuak tha hle.

□ Tunkar hun remchang hmasa berah sumtuak hnatlang neih tum a ni a, member-te hunawl lo insiam turin an inngen.

□ Section YMA census pawh zawh fel a ni ta.

□ Pi Kapthangpui leh Jacob Lalchhanchhuaha te damdawi in lama in enkawl mek pawh an leh thuai an duhsak.

Section Report/ Vengchhung/ etc.

□ Chanmari West Sporting Club-in MPL khel thei tura an in pet tling chu an lawmpui hle.

□ Ni 14 zana YMA DAY lawmna programme-a Lengkhawm zaia Pakhatna an ni chu an lawm hle.

Taitesena Section

□ Ni 14 .6.2013 (Zirtawp)zan a Y.M.A Day Function hmanna ah member leh hruaitu thahnem tak an kal.

□ Ni 15.6.2013 (Inrinni) chhun khan Y.M.A Chhang pual in Y.M.A Day prog Zawlbukah ,Y.M.A Chhang member tak tak nen hun hlimawm tak an hmang a an hlim tlang hle a ni

□ Ni 15.6.2013(inrinni)zingkar khan Y.M.A Day denchhen in Faina Hnatlang neih a ni.Bawlhhlawh pah nan a phal taka MOTOR hmantir tu Pu R.Lalremmawia chungah lawmthu an sawi tak meuh a ni.

□ Section huam chhung a DAWR nei ten bawlhhlawh bawm mumal tak nei theuh turin an inngen tak meuh a ni.

□ Chhiatni Fund leh Y.M.A Aw man la pe fel lo te ngaipawimawh turin an in hriattir nawn leh a ni.

□ Silver Jubilee lawmna tur atan a chhungtin in kan thawh tur inhriattirna Circular sem tur a ruahman na kalpui mek a ni a hun remchang hmasa berah sem tum a ni.

□ Section huamchhunga damlo mahni in lam a awm leh damdawi in lama awm te an dam leh thuai an duhsak hle a ni.

Vanapa Section

□ Ni 15.6.13 (Inrinni) khan nilengin zun in siam leh Footpath siamin hnatlang an nei.

□ Ni 15.6.2013 (Inrinni) zingkar khan section huam chhungah YMA DAY denchhenin Faina Hnatlang an nei a, YMA member leh YMA chhang member-thahnem tak an thawkchhuak.

□ Ni 14.6.2013 (Zirtawp) zana YMA DAY lawmna programme-a Lengkhawm Zai intihsika Pakhatna an ni chu an lawm hle.

□ Branch YMA-in Thisen Pek runpui a buatsaiha thisen petute chungah lawmthu an sawi. YMA hmalakna hrang hranga tan la zual sauh sauh turin member-te an infuih.

16th June 2013

Kan Then Tak

Hming - Pu C Vanlalsawma, Pa hming - Pu L



Nghakiana,

Nu hming -

Pi Lalhleii,

Dec. ni 7,

1964 - a h

Champhai

Vengsangah

a piang.

Pianpu

unau mipa 5 leh hmeichhia 1 a nei.

Kum 1987-ah Pi C Lalengmawii nen

inneiin, fapa 2 leh fanu 3 an nei.

Kohhran leh khawtlangah a phak

ang tawkin a inhmang ve thin.

CVTTP in Tlangval Tlawmngai Ber

chawimawina Nomawi an lo hlan

tawh. A boral ni thleng hian Gospel

Music lamah hian a hun a hmang

tam hle. Ni 12.6.2013 (Nilai) zan dar

11:10 khan Chatuan ram min

pansan ta.

Mobile Tibo

Ni 14 (Zirtawp) zan khan Zawlbuk leh Pu RD Muana in inkarah ka mobile phone ka tibo va, a lo chhar kan awm chuan khawngaihtaka min pe leh turin ka ngen e. Mitvar man ka lo pe ang che.

Lalrangsanga (N-sect)-9774396389

Silver Jubilee

□ YMA Activities thlalak hrang hrang nenten a hnuai Phone No. tharlanah hian hriattir ula, an rawn lam ang.

B Lalsawmzuala - 9436141868

Lalnunthara Sailo - 9612153088

C Lalhmangaiba - 9615471892

CONVERSATION PPP MODE

Chanmari West Pa : In va hma ve?

Driver : Nia

Chanmari West Pa : Kan vengah tun ang hunah bawlhhlawh pah hman an awm a mi?

Driver : Tun ang hunah kan pah lo a nih chuan pah loh a ni mai.

Chanmari West Pa : Kan vengahte chuan Dar 7 velah lo te chuan tho kan la tlem asin.

Driver : Hnadang thawh tur kan ngah alawm.

Kan veng hian kan duhdana bawlhhlawh min pah sak theitu tur kan ruai thei lo a mi ? ₹ 1300 te chuan pah duh tur an tam awm teh lul nen.

CWSC

- Ni 9.6.2013 Chawlhni khan Adviser Pu R Rokima inah Executive Meeting neih a ni.
- Chanmari West FC te Mizoram Premier League (MPL) khel thei turin an in hlangkai ta.
- CWSC Member tur lak mek a ni a, infiamma lamah tuimi Member-ah inpe vek turin an in sawm.
- Executive Member Pu Zothansanga Tochhawng in Football Players-te tan chawhlui a buatsaik sak.
- Tv. H. Lalrinmawia, Ch-Sect.-in Coach tha tak a hmuhsak avangin an lawm tak zet a ni.

Football Sub-Committee

Football Sub-Committee OB
 Chairman : Pu H Lalramhluna
 V Chairman : Pu Zothansanga Tochhawng
 Secretary : Tv Lalmunhlima (VPA)
 Asst. Secy. : Tv Vaninmawia
 Treasure : Pu Lalbiakhlua
 Fin Secy. : NI Ellen Lalrintluangi

Volleyball Sub-Committee

- Chairman : Pu C Lalthanzuala
- V. Chairman : Pu Vanlalhluta
- Secretary : Tv R Lalfakzuala
- Asst. Secy. : Tv Johny Lalthanpuia
- Treasure : NI Vanlalmuanpuui
- Fin. Secy. : Tv Isrealia
- Ni 13.6.2013 Ninga zan khan Pu C Lalthanzuala inah Committee an thu khawm. Property Incharge atan Pu C Lalthanzuala chu ruat a ni.
- 1st Div. leh 2nd Div. Team lo kaihruaitu turin Pu PC Lahriatpuia leh Tv Malsawmtluanga (Mala) te ruat an ni.
- Ni 17.6.2013 Thawhtan tlai 4:30pm 1st Div Player-te Practice tur a ni. Ni 9.6.13 atangin Tournament neih tur a ni.
- Vawiin tlai 3:00pm-ah Indoor TT Hallah 1st leh 2nd Div Player zawng zawngte kal khawm vek tur a ni.
- Committee meeting leh atang chuan SMS hmanga committee koh tawh tur a ni.

HRIATTIRNA

Kan veng Vety Centre-ah a mamawh tan ran Rulhut hlo leh Vitamin a awm a, ran 1 tan Registration FEE \$5 kengin a lam theih e. Vawk pulhri (Swine Fever) Vaccine a mahni vawk la chiulo, chiu tir duh a in Report nghal theih. Ran 1 chiu nan \$50 vengchhungah, ₹100 vengpawnah 10:01 PM 6/14/2013a ni ang.

MPL khel turin Chanmari West tling

Aavwi hnihnnaah Chanmari West hlawhlingin, nimin khan Rajiv Gandhi Stadium-ah 2-0 in Khawzawl an hneh. Season thara Mizoram Premier League khel turin an tling a, nikum aiin an kawng zawk a awlsam zawk.

Chak mamawh Chanmari West tan G Tlanghmingthanga'n first half laihawlah a tilut a, hun tawp dawnah Lalhmangaihzuala'n khawzawl beiseina titawpin hma an hruaina a belhchhh.

Hun tawp lamah inkhel boruak a sosang viau a, hmahuaitu Chanmari West player C Laltanpuia hnawh chhuah ni mah se, Khawzawlin hun tawp thlengin an chhawr thei lo.

Team pathumin hmun ruak pakhat inchuhin playoff league an khel a, Chanmari West hian 1-1 in Electric an inhnehtawkpui tawh a, Khawzawlin 3-2 in Electric an hneh ve thung.

Aizawl pawn team hian tlang turin Chanmari West lakah point khat chiah an mamawh laiin an inhnehtawkpui zo lo va, mahse, team pathum inel zinga pahnihna an nih avangin MPL-a hniam ber dawttu Luangmual nen thawtanni atangin playoff hnuhnung zawk an khel leh ang.

Nikum khan Chanmari West-in MPL qualifer khel tawhin team pariat inel zingah an tling pha lo chiah a, a tla pali zingah an tel.

Kum zawna qualifer hmachhawn awm chhun niin bul an tan fuh tawk lo va, mahse, hun pawimawah an beiseina tihawhling turin theihtawp an chhuah a, minute 26-ah Tlanghmingthanga'n an mamawh goal a thun.

Inhnehtawka tlang thei Khawzawlin sut tumin nawr let nasa hle mah se Chanmari West-in khawng takin goal an veng a, derthawng takin hun tawp an thlir.

Minute 81-ah Hmgaihzuala'n Aizawl team thinphu tirehin a khung a, Tanpuia hnawh chhuah ni mah se player 10-a khel tluan Chanmari West-in harsatna an tawh phah lo.

Season tharah team pariat thovin MPL an khel dawn a, pasarih chiang column lehlamah zawm a ni

tawhin champion Dinthar bakah Mizoram Police, Chanmari, Aizawl, Kulikawn leh Reitlang zuiin Chanmari West an inhlankai a, Luangmual leh Khawzawl chak zawkin hmun ruak hnuhnung ber an hnawh khat ang.

PENDRIVE TIBO

Pendrive 2GB Kingston a var chu MHIP building leh YMA Park inkar velah tihbo a ni a, document pawimawh dah a nih avangin a chhar chuan khawngaih taka min hriattir turin kan ngen a che u.

Leaders Directory

Chanmari West Branch YMA Neuva Section chuan Kum 2013 chhunga NGO'S, Kohhran hruaitu Phone Number pawimawh \henkhat inziahma Leader's Directory 2013 chu Branch Executive Committee remtihna a siam in, vengchhungah zawrh chhuak kan tum a. Chhungtin ten tlawmngaih chhuaha min lo lei sak vek turin kan ngen a che u.

Secretary, N-Sect

LOGO INSIAMSIAK

Kum 2015 Silver Jubilee pualin LOGO Insiamsiak buatsaik a ni a, Ni 15.8.2013 thleng thehluh theih a ni. Mi pakhatin pakhat aia tam siam theih a ni a, a duh tan Facebook lamah thawn theih a ni ang. Hemi atanga thlan chhuah hnenah Lawmman tha tak pek a ni ang. LOGO design-te hi Pu R. Lalhmacchuana Vanapa Section leh Pu J. Lalnangliana Chawngbawla Sectionah thehluh theih a ni ang.

PUANTHUI KHAWL SIAM THIAM

Puanthui khawl puan engpawh \hui thei turin ka siam thei reng e. Gas Stove pawh ka la siam thei reng e. Puanhui khawl, chhuak hmasa puan pawh nalh tak taka \hui thei tlawmte a leit tur pawh ka nei e. Han thlang ve rawh le.

Khawl Gas Stove Siam mamawh chuan han phone la ka rawn pan mai dawn che nia.

Save rawh le LH Chawngthu
 ☎ 9612322639. (3-1)